



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

De Electionibvs Et Electorvm potestate.

**urn:nbn:de:hbz:466:1-15588**

PARS XL. DE ELECTIONIBVS  
ET ELECTORVM POTESTATE.

## C A P . I.

*Idem\* Exonienſi epifcopo.*

**N**O STI sicut vir prudens & sapiens , quomodo dilectus filius noster G. dictus Lincolniensis electus , committendi honores vel præbendam , & alia disponendi de rebus ecclesiæ , cum sua nondum sit electio confirmata , nullam habeat facultatem. Inde est , quod fraternitatit ux , &c. quatenus eidem dicto electo ex nostra parte non differas arctius inhibere , ne archidiaconatum alicui conferre præsumat , vel si iam concessit , ei auctoritate nostra præcipias , ut concessionem suam , omni contradictione & appellatione cessante , studeat reuocare. Quod si distulerit , tu eamdem concessionem , appellationis remoto remedio , auctoritate nostra non differas reuocare.

## C A P . II.

*Idem I. basilicæ 12. apostolorum presbytero cardinali ,  
apostolice sedis legato.*

Quod diligentia tua per dilectum filium nostrum H. S. a nobis requisuit , an electio electi , qui nuper abiurato schismate , ad vnitatem ecclesiæ & nostram deuotionem rediit , confirmari debeat , id tibi duximus respondendum , quod si ab schismatico nullum ordinem suscepit , & eius electio vnanimiter & concorditer secundum ordinem Canonum facta fuerit , dummodo alia ratio non impedit , confirmationem tuam ratam habemus , mandantes , ut eum facias a catholicis episcopis suffraganeis Aquileienſis ecclesiæ in episcopum ordinari , salua tamen iustitia debita & reuerentia , eiusdem ecclesiæ , cum ad catholicam redierit vnitatem.

C A P . III. *Item\* Ciceſtrenſi epifcopo.*

Cum de tua &amp; aliorum electione , qui sunt in quibusdam

ANNO CHRISTI 1179. ecclesiis Anglicanis electi, in nostra præsentia & fratrum quæstio mota fuisset, & singulis vestrum quædam obiicerentur, tibi obiectum est, quod in oculo maculam habeas, & quod canonici filius sis: attendantes prudentiam & honestatem tuam, & volentes te nomine gratiæ ac dilectionis prærogatiua gaudere, venerabili fratri nostro Cantuariensi archiepiscopo apostolicae sedis legato dedimus in mandatis, ut pro eo quod canonici filius diceris fuisse, in promotione tua ex multa dispensatione procedere non postponat; de macula vero quam in oculo habere dicceris, hoc prædicto archiepiscopo mandauiimus, vt \* in quo suffraganeorum suorum, & præsertim venerabilium nostrorum fratrum \* Exoniensis & V Vigorniensis episcoporum examini visum fuerit, sic exequatur. Tu vero eudem archiepiscopum super his inquirere studeas humiliter ac deuote, quia nos tibi ex magna dispensatione in hac parte curauimus sollicite prouidere, ut personam tuam sincera caritate diligimus, & quantum secundum Deum possumus, libenter ad tuum intendimus commodum & honorem.

CAP. IV.

Item Lucius tertius Turonensi archiepiscopo.

\*secreta Presbyter cardinalis \* sua nobis insinuatione monstrauit, quod cum fuisses ad ecclesiæ tuæ regimen de voluntate maioris & senioris partis fratrum electus, quia paucis contradicentibus non valebas debita pace gaudere: quidam amicus de conscientia tua & voluntate, perturbata tamen, ei qui magister discordiæ videbatur, certæ quantitatis munus exsoluit: & sic, quam prius sustinebas, contradictione quieuit. Nunc autem dubitas, quod non sis simoniae prorsus immunis, donec in administratione volueris remanere. Quia igitur per iam dictum cardinalem apostolicæ sedis consilium quæsiuisti, præsentium tibi significacione monstramus, quod multum tibi consulis, si administrationem prædictam celeriter & sponte dimittis, euangelici verbi memor existens: *Nil prodest homini si uniuersum mundum lucretur, animæ vero suæ detrimentum patiatur.*

Matth. 16.  
Marc. 8.

## C A P . V.

Item Alexander tertius Rauennæ archiepiscopo.

ANNO  
CHIAMI  
1173

Causam quæ inter moniales sanctæ Margaretæ super discordiam & dissensiones electionis quam fecerant agitari dignoscitur, experientia tuæ iam pridem commisimus terminandam. Vnde quoniam ipsa causa in tantum protrahitur, &c. fraternitati tuæ, &c. quatenus infra duos menses ad plus secundum tenorem aliarum literarum, quas tibi misimus, in causa procedas, ita videlicet quod si sorores ipsæ electionem in episcopum contulerint promittentes, quod illam quam episcopus eis prouideret, reciperen, ipsam quam episcopus prouiderit eis, facias ab eis, appellatione cessante, in suam recipi abbatissam, si tamen idonea existit. Si autem in causa procedere non poteris, dilectis filiis nostris F. basilicæ duodecim apostolorum, & priori sancti Victoris ex parte nostra signifiques, ut in eadem causa procedant, & fine debito decendant.

PARS XLI. DE INTERPRETATIONE  
VERBORVM ET DESCRIPTORVM.

## C A P . I.

Item Alexander tertius Eboracensi archiepiscopo.

INTER ceteras consultationes tuas id fuit propositum, quid teneri debeat cum aliqua sub disiunctione mandantur, quorum vnum erit verum, alterum falsum, putasi ponatur quod talis fuerit filius sacerdotis, & in sacerdotio genitus, ab eo qui proximus in eadem ecclesia ministravit, vel quod ipsam ecclesiam illicite occupauit: cui quaestioni taliter respondemus, quod conuenit iudici, quodcumque istorum constiterit, ei prædictam ecclesiam abjudicare, & idem in similibus decernere.

## C A P . II.

Idem\* Exoniensi &amp; VVintoniensi episcopis.

Significauit nobis D. presbyter, quod cum ecclesiam de \* VVaplam per triginta annos possedisset, monachi de Lentunen super eadem ecclesia ipsum occasione litera-

VV.  
pellatam